

UZBEK LAW REVIEW



VOLUME 1
2025

**ЎЗБЕКИСТОН ҚОНУНЧИЛИГИ
ТАҲЛИЛИ**

UZBEKISTAN LAW REVIEW

**ОБЗОР ЗАКОНОДАТЕЛЬСТВА
УЗБЕКИСТАНА**

ИЛМИЙ ТАҲЛИЛИЙ ЖУРНАЛ	SCIENTIFIC ANALYTICAL JOURNAL	НАУЧНО АНАЛИТИЧЕСКИЙ ЖУРНАЛ
--------------------------------------	--	--

**2025
№1**

ТАҲРИР ҲАЙЪАТИ

БОШ МУҲАРРИР:

Гулямов Саид Саидахарович – юридик фанлари доктори, профессор.

ТАҲРИР ҲАЙЪАТИ АЪЗОЛАРИ:

Рустамбеков Исламбек Рустамбекович – ю.ф.д., профессор.

Хужаев Шохжон Акмалжон ўғли – юридик фанлар бўйича фалсафа доктори.

Оқюлов Омонбой – ю.ф.д., профессор.

Эргашев Восит Ёқубович – ю.ф.н., профессор.

Махкамов Отабек Мухтарович – ю.ф.д.

Суюнова Дилбар Жолдасбаевна – ю.ф.д., доц.

Мусаев Бекзод Турсунбоевич – ю.ф.д., доц.

Беков Ихтиёр – ю.ф.д., проф.

Бозоров Сардор Сохибжонович – ю.ф.д., проф. в.б.

Хазраткулов Одилбек Турсунович – юридик фанлари номзоди, доцент.

Самарходжаев Ботир Билялович – ю.ф.д., профессор.

Ходжаев Бахшилло Камалович – ю.ф.д., профессор.

Нарзиёв Отабек Саъдиевич – ю.ф.д., проф. в.б.

Жолдасова Шахноза Батировна – юридик фанлар бўйича фалсафа доктори.

Маълумот олиш учун қуйидагиларга мурожаат этиш сўралади:

**Гулямов Саид Саидахарович,
Рустамбеков Исламбек Рустамбекович**
ТДЮУ, Халқаро хусусий ҳуқуқ кафедраси,
Ўзбекистон Республикаси, Тошкент ш., 100047,
Сайилгоҳ кўчаси, 35. Тел: 233-66-36

"Ўзбекистон қонунчилиги таҳлили"нинг электрон
нускаси Интернетдаги www.library-tsul.uz ёки
www.lawreview.uz сайтида жойлаштирилган.

**Журнал 2013 йилдан Ўзбекистон Республикаси
Вазирлар Маҳкамасининг Олий Аттестация
комиссияси журналлари рўйхатига киритилган.**

Ушбу журналда баён этилган натижалар, хулосалар, талқинлар уларнинг муаллифларига тегишли бўлиб, Ўзбекистон Республикаси ёки Тошкент давлат юридик университети сиёсати ёки фикрини акс эттирмайди.

2025 йилда нашр этилди.

Муаллифлик ҳуқуқлари Тошкент давлат юридик университетида тегишли. Барча ҳуқуқлар ҳимояланган. Журнал материалларидан фойдаланиш, тарқатиш ва кўпайтириш Тошкент давлат юридик университети рухсати билан амалга оширилади. Ушбу масалалар бўйича Тошкент давлат юридик университетида мурожаат этилади. Ўзбекистон Республикаси, Тошкент ш., 100047, Сайилгоҳ кўчаси, 35.

ISSN 2181-8118

Масъул котиб: **И. Рустамбеков**

Наشريёт муҳаррири: **Н. Ниязова**

Техник муҳаррир: **Д. Козимов**

Лицензия № 02-0074

Босишга рухсат этилди – 28.03.2025

Наشريёт ҳисоб табоғи – 5

«IMPRESS MEDIA» босмахонасида босилди

Адади – 100 нуска.

ИЛМИЙ-ТАҲЛИЛИЙ
ЖУРНАЛ

1/2025

Abdugʻaniyev Ulugʻbek Saidakbarovich

TDYU qoshidagi M.S.Vosiqova nomidagi
akademik litseyining Huquqshunoslik fanlari
kafedrası katta oʻqituvchisi

HARBIY XIZMATCHILAR TOMONIDAN SODIR ETILGAN JINOYATLARNING KRIMINALISTIK TAVSIFI

Annotatsiya. maqolada harbiy xizmatchilarning jinoyat sodir etganlik uchun jinoiy javobgarligi, jumladan, harbiy yurisdiksiyaning xususiyatlari va huquqni muhofaza qilishning oʻziga xos jihatlari koʻrib chiqiladi. Harbiy xizmatchilar tomonidan sodir etilgan jinoyat turlari, shuningdek, ularning qurolli kuchlar intizomi va jangovar samaradorligiga taʼsiri muhokama qilinadi. Qurolli kuchlarda jinoiy javobgarlik masalalarini tartibga soluvchi meʼyoriy hujjatlar tahlil qilinib, huquqni qoʻllash amaliyotidan misollar keltirildi.

Kalit soʻzlar: jinoiy javobgarlik, harbiy xizmatchilarning jinoyatlari, huquqiy hujjatlar, huquqni muhofaza qilish, qonunchilik

Abstract. the article considers the criminal liability of military personnel for committing crimes, including the features of military jurisdiction and specific aspects of law enforcement. The types of crimes committed by military personnel are discussed, as well as their impact on the discipline and combat effectiveness of the armed forces. The regulatory documents regulating criminal liability in the armed forces are analyzed, and examples from law enforcement practice are given.

Keywords: criminal liability, crimes of military personnel, legal documents, law enforcement, legislation.

Аннотация. в статье рассматривается уголовная ответственность военнослужащих за преступления, в том числе особенности военной юрисдикции и особенности правоприменения. Обсуждаются виды преступлений, совершаемых военнослужащими, а также их влияние на дисциплину и боеспособность вооруженных сил. Проанализированы нормативные документы, регулирующие вопросы уголовной ответственности в вооруженных силах, приведены примеры из практики правоприменения.

Ключевые слова: уголовная ответственность, преступления военнослужащих, правовые документы, правоприменение, законодательство

Kirish

Zamonaviy jamiyatda huquq-tartibot va xavfsizlikni taʼminlash nuqtai nazaridan jinoiy javobgarlik masalalari bir necha bor koʻtarilgan. Bunda, harbiy xizmatchilar tomonidan sodir etilgan jinoyatlarni koʻrib chiqish ayniqsa muhimdir, chunki ular maxsus huquqiy rejimlar va harbiy majburiyatlarni bajarish bilan bogʻliq muayyan vaziyatlarda dolzarb boʻlib qoladi. Mamlakatimiz Prezidenti Sh.M.Mirziyoyev Oʻzbekiston Respublikasi Qurolli Kuchlari tashkil etilganining 30 yilligi va Vatan himoyachilari kuni munosabati bilan soʻzlagan nutqida —Bugungi global-lashuv va keskin raqobat davri, dunyoning turli burchaklarida, jumladan, mintaqamizda yuz berayotgan qurolli

mojaro va qarama-qarshiliklar, yangi tahdid va xatarlar oldimizga kechiktirib boʻlmaydigan dolzarb vazifalarni qoʻymoqda. Ana shunday gʻoyat masʼuliyatli vaziyatda mamlakatimizda tinchlik va osoyishtalikni, fuqarolarning konstitutsiyaviy huquq va erkinliklarini kafolatlash va himoya qilishda Qurolli Kuchlarimiz, xavfsizlik va huquqni muhofaza qiluvchi idoralarning oʻrni va ahamiyati tobora ortib borayotganligini taʼkidlagan holda ularning professional tayyorgarligi va ularning ijtimoiy ximoyasiga alohida eʼtibor qaratish lozimligini taʼkidlab oʻtdi.

Muhokama va natijalar

Zamonaviy jamiyatda harbiy xizmatchilarning jinoiy javobgarligi masalalari juda muhim, chunki ular nafaqat harbiy xizmatchilarning oʻziga, balki butun jamiyatga ham taʼsir qiladi. Qurolli kuchlarda sodir etilgan jinoyatlar armiyaning jangovar samaradorligiga, jamoadagi maʼnaviy muhitga va fuqarolarning davlat organlariga boʻlgan ishonchiga sezilarli taʼsir koʻrsatishi mumkin. Jinoyat qonunchiligi harbiy xizmatchilarning turli qilmishlari uchun javobgarlikka tortilishi doirasini belgilaydi. Harbiy xizmatchilarning jinoiy javobgarligi bir qancha huquq manbalariga asoslanadi. Asosiysi jinoyatlarning umumiy tamoyillari va toifalarini belgilovchi Jinoyat kodeksidir. Harbiy Jinoyat Kodeksi ham muhim rol oʻynaydi, bunda harbiy xizmatchilarga xos boʻlgan aniq jinoiy harakatlar tasvirlangan. Masalan, harbiy xizmatni tark etish, ustav majburiyatlarini buzish, harbiy xizmatdan boʻyin tovlash. Bu jinoyatlar oʻziga xos xususiyatlarga ega boʻlib, ular tergov va sud jarayoni davomida hisobga olinadi. Oʻzbekiston Respublikasi jinoyat qonunchiligi qoidalariga muvofiq, barcha jinoyatlar kabi harbiy xizmatni oʻtash tartibiga qarshi jinoyatlar tarkibini ham jinoyatning obyekt, subyekt, obyektiv va subyektiv tomonlari tashkil etadi. Oʻrganilayotgan toifadagi jinoyatlarning subyekt borasida fanda turlicha qarash va yondashuvlar mavjud boʻlib, biz quyida aynan subyekt elementiga oid baʼzi ilmiy qarashlarni tahlil qilishga harakat qilamiz. Harbiy xizmatni oʻtash tartibiga jinoyatlarning subyekt Oʻzbekiston Respublikasi Qurolli Kuchlari (Mudofaa vazirligi, Milliy gvardiya, Ichki ishlar vazirligining qorovul qoʻshinlari, Favqulodda vaziyatlar vazirligi, Davlat xavfsizlik xizmatining davlat chegarasini himoya qilish qoʻmitasi), Davlat xavfsizlik xizmati, boshqa vazirlik va idoralarning harbiy boʻlinmalari harbiy xizmatchilari, shuningdek, ularda harbiy yigʻinlarni oʻtayotgan shaxslar boʻlishi mumkin. Shaxsni harbiy xizmatni oʻtash tartibiga qarshi jinoyatlar subyekt deb hisoblash uchun unga qonunga muvofiq —harbiy xizmatchill maqomi berilgan, harbiy xizmat boshlangan, davom etaётgan va tugatilgan boʻlishi lozim. Harbiy xizmatning mazkur aspektlari “Umumiy harbiy majburiyat va harbiy xizmat toʻgʻrisida”gi Qonunda aks etgan boʻlib, uning 27-moddasiga muvofiq, haqiqiy harbiy xizmatda boʻlishning boshlanishi: muddatli harbiy xizmatga chaqirilgan chaqiriluvchilar hamda zaxiradagi ofitserlar uchun harbiy qismga joʻnash maqsadida mudofaa ishlari organida hozir boʻlgan kun; kontrakt boʻyicha harbiy xizmatga kirgan shaxslar uchun harbiy xizmatni oʻtash toʻgʻrisidagi kontrakt kuchga kirgan kun; oliy harbiy taʼlim muassasalariga, shuningdek vazirliklar, davlat qoʻmitalari va idoralarning oʻqish harbiy xizmatga tenglashtiriladigan taʼlim muassasalariga oʻqishga kirgan chaqiriluvchilar,

harbiy xizmatga majburlar uchun — tegishli ta'lim muassasasiga o'qishga qabul qilingan kun; O'zbekiston Respublikasi Prezidenti tomonidan harbiy lavozimga tayinlangan shaxslar uchun — tegishli farmon, qaror e'ki farmoyish imzolangan kun hisoblanadi. Harbiy xizmatdan rezervga bo'shatilishi e'ki iste'foga chiqarilishi munosabati bilan harbiy qism komandirining buyrug'iga binoan shaxsiy tarkib ro'yxatidan chiqarilgan kun harbiy xizmatchi uchun harbiy xizmatda bo'lishning tugashi hisoblanadi.

Yaqin vaqtlar ichida qo'shni mamlakat Qozog'istonda sodir etilayotgan ommaviy tartibsizliklar va namoyishlar jarayonida harbiy xizmatchilar va ularning yaqin qarindoshlariga nisbatan sodir etilayotgan bir qator jinoyatlar va ularning huquqiy oqibatlari og'ir oqibatlarni keltirib chiqarmoqda. Bunga misol tariqasida fuqarolar tomonidan harbiy texnikalar, qurollar va boshqa turdagi maxsus ximoya vositalarini noqonuniy egallanishi, harbiy xizmatchilarni harbiy harakatlarda ishtirok etishini oldini olish maqsadida ularning yaqin qarindoshlari va oila a'zolariga nisbatan o'tkazilgan ta'ziqlar, ayniqsa ijtimoiy toifa obektlariga va alohida toifalangan obektlarga bo'lgan qo'rolli hujumlar va boshqa holatlar harbiy xizmatchining jinoyat huquqida alohida subekt bo'la turib jabrlanuvchi sifatida ishtirokchilikda agressiyaga uchrayotganligini ko'rishimiz mumkin. Shu nuqta' nazardan mazkur tahdidlar qo'shni mamlakatda sodir etilganligi xavfi bizning mamlakatimizni chetlab o'tadimi? Mazkur turdagi jinoyatlar uchun mamlakatimiz qonunchiligida qanday turdagi javobgarlik turlari belgilangan? Amaldagi jinoyat qonuni normalari hozirgi zamonaviy tahdidlarga qay darajada javob bera oladi va shu kabi bir qator savollar o'zo'zidan ilmiy tadqiqotlarning obektiga aylanishi tabiiy. Yuqorida keltirilgan savollarning amaliy yechimlarini amaldagi jinoyat qonunchiligimizda belgilangan javobgarlik turlari, jinoyat subyektlarining huquqiy maqomi, jinoyatlarda ishtirokchilik kabi masalalar ilmiy tahlillar asosida o'rganilganida bir qator muammolar mavjud ekanligini ko'rishimiz mumkin. Mamlakatda harbiy xavf yoki favqulotda holat e'lon qilinganligi holatida davlat organlarining mansabdor shaxslariga qaratilgan ruhiy yoki jismoniy taz'yiqlar birinchi navbatda harbiy xizmatchilar va ularning yaqin qarindoshlariga qaratilganligi, shuningdek harbiy xizmatchilarning sog'ligi va hayotiga qarshi qaratilgan jinoyatlar qonun bilan harbiy xizmatchining jinoyat huquqining alohida subekti sifatida inobatga olingan holda muhofaza qilinmagan. Shuningdek mazkur turdagi jinoyatlar umumiy asosda shaxsning sog'ligiga va hayotiga qarshi jinoyat turlari bilan tartibga solingan.

285-modda birinchi qismi dispozitsiyasini tahlil qilar ekanmiz, bir muammoga duch kelamiz. Xususan, unda "sog'liqning buzilishiga sabab bo'lgan badanga yengil shikast yetkazish yoki o'rtacha og'ir shikast yetkazish" jumlasini qo'llanilgan. Bu o'rinda "sog'liqning buzilishiga sabab bo'lgan badanga yengil shikast yetkazish" jumlasini Jinoyat kodeksi 109-moddasi qoidalaridan kelib chiqqan holda to'g'ri qo'llanilgan. Ammo ushbu jumladan so'ng "yoki o'rtacha og'ir shikast yetkazish" deyilgan. Bu o'z-o'zidan o'rtacha og'ir shikast yetkazish sog'liqning buzilishiga sabab bo'lsa, degan ma'noni anglatadi. Holbuki Jinoyat kodeksi 105-moddasida o'rtacha og'ir shikast yetkazish sog'liqning buzilishiga sabab bo'lishi haqida hech narsa

deyilmagan. Bundan tashqari Jinoyat kodeksi 285-moddasi birinchi qismidagi mazkur jumlaning o'zbek tilidagi tahriri uning rus tilidagi tahriri bilan bir xil emas. Uning rus tilidagi tahririda "prichinenii legkogo telesnogo povrejdeniya s rasstroystvom zdorov'ya ili sredney tyazhesti telesnogo povrejdeniya" deyilgan. Bizningcha, moddaning rus tilidagi tahriri to'g'ri hamda aniq bayon etilgan. Shu sababli, yuqoridagi tushunmovchilikni bartaraf etish va qonunning o'zbek hamda rus tillaridagi tahririni birxilashtirish maqsadida 285-moddaning birinchi qismiga "sog'liqning buzilishiga sabab bo'lgan badanga yengil shikast yetkazish yoki" so'zlaridan so'ng "badanga" degan so'zni qo'shish lozim. Moddaning to'liq tahrirdagi matnini dissertatsiyamizning xulosa qismida bayon etamiz. Ustavga zid zo'ravonlik harakatlari jabrlanuvchining sog'lig'iga har xil og'irlikdagi shikast yetkazish bilan bog'liq bo'lib, mustaqil jinoyatlar tarkibini vujudga keltirsa, qilmish jinoyatlar majmui bo'yicha kvalifikatsiya qilinishi lozim. Qonunga xilof ravishda ozodlikdan mahrum qilish jismoniy yoki ruhiy zo'rlik ishlatish yo'li bilan amalga oshiriladi (jabrlanuvchini bog'lash, uyqu dori berish, uning ixtiyoriga xilof ravishda muayyan joyda saqlab turish, aldov yo'li bilan shaxsni u kirishni xohlamaydigan xonadonga olib kirib saqlash va hokazolar).

Harbiy xizmatchilar tomonidan sodir etilgan jinoyatlarni bir necha toifalarga bo'lish mumkin. Birinchi toifaga harbiy xizmatga qarshi jinoyatlar, masalan, dezertirlik, bo'linmani ruxsatsiz tark etish va harbiy intizomning boshqa buzilishi kiradi. Ikkinchi toifaga shaxsga qarshi jinoyatlar, jumladan, qotillik, badanga og'ir shikast yetkazish va boshqa jinoyatlar kiradi. Uchinchi toifaga jamoat xavfsizligiga qarshi jinoyatlar, shu jumladan qurol va giyohvand moddalar bilan noqonuniy muomala qilish kiradi. To'rtinchi toifaga davlat institutlariga ishonchni susaytiruvchi va armiyadagi ichki jarayonlarga salbiy ta'sir ko'rsatuvchi korruptsiya jinoyatlar kiradi. Harbiy xizmatchilar bilan bog'liq jinoyat ishlarining muhim xususiyati - harbiy prokuratura va harbiy sudlarning mavjudligi. Ushbu organlar aniq vakolatlarga ega va harbiy xizmatning o'ziga xos xususiyatlarini va harbiy xizmatchilarning huquqiy holatini hisobga olishlari kerak. Bunday hollarda protsessual harakatlar yuqori malaka va huquqiy va amaliy jihatlarni chuqur tushunishni talab qiladi. Bundan tashqari, tergov va sud jarayoni davomida harbiy xizmatchilarning huquqlarini hurmat qilish muhim ahamiyatga ega.

Qonunchilik hujjatlariga muvofiq, hokimiyat vakillari u yoki bu davlat funksiyalarining amalga oshirilishiga javobgar shaxslar hisoblanadi. Huquqbuzarliklarga qarshi kurashish va ommaviy tartibsizliklar chog'ida huquqni muhofaza qilish organi xodimlari va harbiy xizmatchilarning hayoti va sog'lig'i doimo xavf ostida bo'ladi. Hokimiyat vakillari o'z qonuniy faoliyatini to'la to'kis amalga oshirishi uchun huquqiy kafolat muhim ahamiyatga ega. Bugungi kunda shu darajaga borib yetdiki ayrim fuqarolar hokimiyat vakillarining qonuniy harakatlari ochiqdan ochiq to'sqinlik qilish va zo'rlik ishlatish holatlarini sodir etmoqda. Hokimiyat vakiliga nisbatan zo'ravonlik qo'llash nafaqat ularning hayoti va sog'lig'iga, balki hokimiyat, boshqaruv va jamoat birlashmalari organlarining faoliyat tartibiga ham putur yetkazadi. Bu esa davlat hokimiyatining va mamlakatdagi huquq-tartibotning zaiflashishiga olib keladi.

Xususan, Jinoyat kodeksining 104-, 105-moddalarida o'z xizmat yoki fuqarolik burchini bajarishi munosabati bilan shaxsga yoki uning yaqin qarindoshlariga og'ir yoki o'rtacha og'ir shikast yetkazganlik uchun javobgarlik mavjud. Lekin, O'zbekiston Respublikasi Oliy sudi Plenumining 1999-yil 30-apreldagi — O'zgalar mulkini o'g'rilik, talonchilik va bosqinchilik bilan talontoraj qilish jinoyat ishlari bo'yicha sud amaliyoti to'g'risidagi 30-sonli Qarorida — Hayoti yoki sog'liq uchun xavfli bo'lmagan zo'rlik deganda, yengil tan jarohati yetkazishni tushunish lozim. Bunday zo'rlik jabrlanuvchiga jismoniy azob beruvchi yoki uning erkinligini cheklab qo'yuvchi harakatlarda ifodalaniishi mumkinligi ko'rsatilgan. Shu sababli, amaldagi Jinoyat Kodeksining 104-, 105-moddalarida xizmat vazifasini bajarayotgan huquqni muhofaza qiluvchi organning xodimi yoki harbiy xizmatchilariga hayot yoki sog'liq uchun xavfli bo'lmagan zo'rlik ishlatilishi bilan tugallangan jinoyat deb topilishi, ya'ni oqibatda tan jarohati kelib chiqish yoki chiqmasligidan qat'iy nazar jinoyat deb topilishi tartibga solinmagan (Mazkur moddalarda mazmungan tartibga solishning imkoni ham mavjud emas, sababi mazkur moddalar faqatgina tan-jarohati bilan bog'lik bo'lgan jinoiy hodisalarni tartibga soladi).

Harbiy xizmatchilar tomonidan sodir etilgan jinoyatlar armiyadagi ma'naviy muhitga salbiy ta'sir ko'rsatadi. Intizomning buzilishi qo'mondon va bo'ysunuvchilar o'rtasidagi ishonchni buzadi, bu jangovar tayyorgarlik va umumiy missiya samaradorligini pasayishiga olib kelishi mumkin. Bunday jinoyatlar harbiy xizmatchilar o'rtasida norozilik va parchalanishni keltirib chiqarishi mumkin, bu esa pirovardida davlat xavfsizligiga salbiy ta'sir qiladi. Harbiy xizmatchilarning jinoiy javobgarligi tizimi doimiy yangilanish va takomillashtirishni talab qiladi. Armiyadagi jinoyatchilik darajasini pasaytiradigan samarali profilaktika mexanizmlarini ishlab chiqish muhim ahamiyatga ega. Bunda harbiy prokuratura organlari faoliyatini takomillashtirish, komandirlar va harbiy xizmatchilarni huquq-tartibot asoslariga o'rgatish, shuningdek, korrupsiyaga qarshi kurash amaliyotini faol joriy etish kiradi. Tergov va sud jarayonidagi ochiqlik va shaffoflik harbiy huquq tizimiga ishonchni oshirishda ham muhim rol o'ynaydi.

Xulosa

Xulosa qilib aytganda, harbiy xizmatchilarning jinoyatlar uchun jinoiy javobgarligi kompleks yondashuvni talab qiluvchi muhim mavzu bo'lib qolmoqda. Huquqiy normalarni to'g'ri tushunish, shuningdek, huquqbuzarliklarning oldini olish bo'yicha samarali chora-tadbirlar ishlab chiqish zarur. Shundagina qurolli kuchlarda tartib va intizomni ta'minlash, shuningdek, jamiyat darajasida hokimiyat institutlariga ishonchni saqlash mumkin bo'ladi.

Foydalanilgan adabiyotlar

1. Muxitdinov, S. (2024). HARBIY MANSABDORLIK JINOYATLARI TUSHUNCHASI, TURLARI VA ULARNING O'ZIGA XOS XUSUSIYATLARI. *Elita. uz-Elektron Ilmiy Jurnal*, 2(3).
2. MIRZAEV, T., & QOBULOV, R. HARBIY XIZMATNI O'TASH TARTIBIGA QARSHI JINOYATLAR.
3. Алимов, М. (2023). Процессуальные проблемы досудебного производства в военном уголовном процессе. Реформы в сфере подготовки юридических

кадров в Узбекистане: анализ результатов и перспективные задачи, 1(1), 119-127.

4. Obidjonov, A. R. O. G. L. (2022). JINOYAT PROTSESSIDA TERGOVGA TEGISHLILIKNING AHAMIYATI VA UNING XALQARO HAMDA MILLIY HUQUQIY ASOSLARI. *Oriental renaissance: Innovative, educational, natural and social sciences*, 2(Special Issue 4-2), 474-481.

5. Данилов, П. С. (2016). Преступления против военной службы в дореволюционном законодательстве России: историко-правовой анализ. *Russian Journal of Economics and Law*, 1 (37), 89-96.

6. Изосимов, В. С., & Родионова, Ю. В. (2015). Правовой опыт стран романо-германской группы в области установления ответственности за коррупционные преступления, в том числе за незаконное участие в предпринимательской деятельности. *Юридическая наука и практика: Вестник Нижегородской академии МВД России*, 1 (29), 87-90.